

SA FESTA 'E NOSTRA SEGNORA 'E SU REMEDIU
DE OTIERI.

Riccos e poverittos, tottu frades,
in Otieri mia han tribagliadu; 6

e una festa bella han preparadu
pro venerare sa Virzine Santa.
Sa iddha 'e Otieri totta canta
s'es' fatta digna 'e sa Mama sua.

Si sun giamados: lentos e in fua,
benini a Otieri sos pastores;
mazzones no han timidu nè astores:
s'ama sola e ispalta l'han lassada.

Da' ogni iddha, dae ogni contrada,
in istradones o in tirighinos,
gruppos a caddhu, a pe, de pellegrinos
sun bennidos pro Te, Nostra Signora. 5

Babbos e fizzos, mamas, a un'ora,
coros in allegria o in affannos
mudos Ti han pregadu o a gridos mannos,
che undhas chi tempestana in su mare. X

Mamas appo idu in su pregare,
cun sos fizzos in brazzos suspirendhe,
bezzos de allegria pianghendhe,
sa paghe in ojos, sa berritta in manu.

Bestidos che puzzones in leranu
fieros e fortes che aspru granitu,
sardos in ragas, sardos in corittu
in biddha mia si sun'abbrazzados.

Puzzones mi pariana torrados
a sa Mama amorosa e a su nidu;
e tottu han pregadu a cor'unidu
pro custa terra, pro custa Sardigna

amore e paghe e sorte plus digna.

Gigi Sotgi - Otieri